

Fjármálaráðherra f. h. ríkissjóðs
og
Landssamband slökkviliðs- og sjúkraflutningamanna

Samkomulag um kjör sjúkraflutningamanna

Gildistími er frá 1. desember 2008 til 31. ágúst 2009

Samkomulag þetta gildir fyrir tvo hópa sjúkraflutningamanna. Annars vegar þá sem ráðnir eru í aðalstarf sem sjúkraflutningamenn og hins vegar þá sem ráðnir eru sem hlutastarfandi sjúkraflutningamenn.

Kafli 1. – Sjúkraflutningamenn í aðalstarfi

Um kjör þeirra sem ráðnir eru í aðalstarf skal fara skv. kjarasamningi Launanefndar sveitarfélaga og Landssambands slökkviliðs- og sjúkraflutningamanna frá 11. desember 2008.

Verði sú sjúkraflutningastarfsemi sem rekin er af ríkisstofnunum með starfsmönnum í aðalstarfi við sjúkraflutninga færð á annarra hendur fellur þessi kafli úr gildi.

Tillit þarf að taka til þess að nokkur ákvæði samningsins fara gegn lögum gagnvart ríkisstofnunum og ganga þá lög fram.

Aðilar er ásáttir um að fara sameiginlega yfir hvernig bókanir og fylgiskjöl þess samnings geta átt við starfsmenn ríkisins.

Eins eru aðilar ásáttir um að útfærsla sérmála sjúkraflutningamanna í þjónustu ríkisins, sbr. gr. 1.3.4 og 1.3.1.3, kafla 8 og atriði er varða vinnuaðstöðu séu með sambærilegum hætti og hjá öðrum vinnuveitendum sjúkraflutningamanna.

Frá og með gildistöku þessa samnings ber að greiða sjúkraflutningamönnum þrekálag 2 skv. grein 1.9.1 í kjarasamningi Launanefndar sveitarfélaga og Landssambands slökkviliðs- og sjúkraflutningamanna. Sjúkraflutningamenn skulu vera reiðubúnir til að undirgangast læknisskoðun og þrekpróf skv. almennum stöðlum. Sérstaklega skal litið til vinnu við læknisskoðun og þrekpróf fyrir starfsmenn SHS sem nú fer fram sbr. verkefnalista með þeim kjarasamningi.

Kafli 2. – Hlutastarfandi sjúkraflutningamenn

1. Um laun

- 1.1 Fyrir þá kvöð sem hvílir á sjúkraflutningamönnum að þurfa ávallt að vera viðbúnir að sinna verkefnum, skulu þeir fá sérstaka þóknun er greiðist eftir á með jöfnum mánaðarlegum greiðslum.

- 1.2 Þóknun þessi skal vera 83% af launaflokki 139 í 3. þrepi í samningi Launaneftndar sveitarfélaga og LSS frá 11. desember 2008. Hafi sjúkraflutningamaður verið 10 ár við sjúkraflutninga að meira eða minna leyti greiðist þó skv. 4. þrepi. Sama gildi um greinar 2.2 og 2.3. Þóknunin greiðist mánaðarlega alla mánuði ársins án orlofs og reiknast fyrir hvern mann sem ráðinn er til fullrar bakvaktar með orlofstöku. Fyrir hluta tímans eða hluta bakvaktar greiðist hlutfallslega.
- 1.3 Fyrir hvert útkall skal greitt að lágmarki 4 klst. skv. yfirvinnukaupi. Greitt skal skv. yfirvinnukaupi í launaflokki 139 í 3. þrepi.
- 1.4 Sjúkraflutningamönnum er skylt að annast um búnað og mæta á æfingar eftir nánari ákvörðun viðkomandi heilbrigðisyfirvalda.

2. Ýmis atriði

- 2.1 Samningur þessi á ekki við sé starfsmanni heilbrigðisstofnunar falið að sinna sjúkraflutningum jafnframt öðru starfi, sé það starf talið aðalstarf.
- 2.2 Tryggingar sjúkraflutningamanna skulu vera þær sömu og í fyrri kjarasamningi LSS og fjármálaráðherra, þ.m.t. fjárhæðir fyrri hópslysatryggingar að uppfærðum vísitölum, með þeirri takmörkun þó að tryggingar gilda aðeins fyrir þann tíma sem sjúkraflutningar eða þjálfun standa yfir ásamt ferðatímanum til og frá áðurnefndum störfum. Í vinnuslysatilvikum skal sjúkraflutningamaður njóta réttar til launa sem hann væri ráðinn í fullt starf í launaflokki 134 í 3. þrepi.
- 2.3 Sjúkraflutningamenn skulu eiga kost á að sækja endurmenntunar- og framhaldsnámskeið sér að kostnaðarlausu eftir því sem við verður komið. Með því er einnig átt við að viðkomandi stofnun greiði sjúkraflutningamanni laun sem þeir væru ráðnir í fullt starf í launaflokki 134 í 3. þrepi á meðan fjarvistir frá vinnu vara. Þeir starfsmenn sem nú eru í starfi skulu þó njóta þessara kjara við öflun réttinda.
- 2.4 Sjúkraflutningamönnum skal séð fyrir vinnufatnaði eftir þörfum þeim að kostnaðarlausu í samræmi við kröfur starfsins.
- 2.5 Boðtæki hvers konar sem reynast kunna nauðsynleg, þ.m.t. farsímar skulu lögð til af vinnuveitanda og hann standa straum af rekstri þeirra í þessum tilgangi.
- 2.6 Um lengd orlofs og hlutfall orlofs á yfirvinnu fer skv. nógildandi kjarasamningi LSS og Launaneftndar sveitarfélaga.
- 2.7 Sjúkraflutningamönnum skal sköpuð aðstaða til að stunda líkamsrækt, til þjálfunar og viðhalds líkamlegu þreki sínu, þeim að kostnaðarlausu.
- 2.8 Greiða skal í orlofssjóð og starfsmenntunarsjóð Landssambands slökkviliðs- og sjúkraflutningamanna með sama hætti og skv. kjarasamningi Launaneftndar sveitarfélaga og Landssambands slökkviliðs- og sjúkraflutningamanna frá 11. desember 2008.
- 2.9 Um kjör þeirra að öðru leyti fer skv. kjarasamningi Landssambands slökkviliðs- og sjúkraflutningamanna og Launaneftndar sveitarfélaga eftir því sem við getur átt.

2.10 Gera skal skriflega ráðningarsamninga við sjúkraflutningamenn.

3. Launabreytingar á samningstímanum og gildistími

- 3.1 Enginn skal skv. samningi þessum lækka í launum á meðan núgildandi ráðning varir.
- 3.2 Samkomulag þetta gildir frá 1. desember 2008 til 31. ágúst 2009 og fellur þá úr gildi án sérstakrar uppsagnar.

Reykjavík, 17. desember 2008

f.h. fjármálaráðherra

*Guðmundur H. Guðmundsson (sign.)
Ágústa Hlín Gústafsdóttir (sign.)
Sigurður Gils Björgvinsson (sign.)*

f.h. Landssambands slökkviliðs-
og sjúkraflutningamanna

*Sverrir Björn Björnsson (sign.)
Einar Örn Arnarsson (sign.)
Gunnar M. Baldursson (sign.)*